

南樓吟州



04827



紅

紅

81608

96408

南

樓

吟

州

叙

自古奇人才士類多磅礴鬱積
於胸中而必召所發之諸事業
有遇不遇焉不得自為也發諸
文章傳之人世此生得自為者也
為所得為而化出於性真之流露
則不必傳即傳亦不能垂久而行

序

一

遠余友齊雲宗尺少韻異既長
博綜古今尋以病廢舉子業遂
自放於山巔水渚典二三韻士啣
盃申吟以消磨歲時余嘗過其所
居庭館蕭疎花竹秀野青蘿
白石孤雲時來不覺失聲嘆曰
此中人必為山林所誤嗣余計偕


入京旋奉

命就官江左不相聞者十餘年今
因兄劉子綺園自虞來携齊雲
詩示余且傳命見督為序披而
讀之必桐露新流必松風徐舉必
幽壑泉聲潺湲之清爽之氣溢人
襟帶蓋流露於性真而能自成
序

二

一家言者余有以卜其傳之遠且
久也爰書以寄之以當以欺揚之糠
粃也可省

道光乙巳孟冬上浣同邑世愚弟王清渠
書於金陵官舍之步月廊



余家皂湖之東南山之下竹木葱蘢繁蔭蒼翠頗爲幽雅
每於花朝月夕觸景生情敲平叶仄謬托吟咏如鳥之鳴
春蟲之鳴秋非有摹倣希冀於其中有時浪跡閒遊所歷
山川名勝亦不過卽目中之所見寫意中之欲言不規規
步某家某體爲也夫從來詞客騷人先論照應起伏次論
次第淺深拈韻必審來歷排調確有成模此可以家絃戶
誦傳於後世者也若余之直抒性情不中繩墨旣不取法
於古遑敢覬傳於後惟願諸君勿以余詩爲乞兒向陽村
南樓吟草

童逃學也幸甚

峇

道光乙巳重九後三日齊雲宋璇自述

題詞

徐

麟

字祥雲號振堂

紅杏新吟

宋子京

奪錦詩

宋之問

前賢卓卓抱才奇何人直接

淵源遠絕妙南樓一卷詞

怯怯吟身瘦不支無情二豎又相隨天非絕少憐才意正
是令君唱詠時

濃綠環居密似帷漫言地僻未相宜南樓縱目湖山勝盡
是琴歌酒賦資

南樓吟草

一

笑談風月一襟披樂境如斯我妒之况又庭階多玉樹詵
詵兒女盡能詩

車

林

字雲表號梅隱

之子高才世所欽編成詩稿抵南金俗塵不到神仙境家
學何慚鐵石心風雅惟君推老宿文章有我附知音皂湖
烟水蒿峰月天付騷人日醉吟

周滄濤

字浩然號雪山錢塘人

皂李湖山舊有名幽居喜得類蓬瀛試看才子都仙去未

信青衫老此生

昔年曾記南樓過四壁吟看小宋詩病後知君仙骨瘦一

番風雪鬢成絲

雙板橋連水竹居一竿垂釣不歌魚老懷已斷揚州夢有

子青燈讀父書

許清瀾

字翼仁號補齋

讀罷新詞與舊詞幾回擊節幾回思心因風月平章慣筆

為湖山點綴宜好句欲分紅杏豔

子京人稱紅杏尚書與君同譜故及之

南樓吟草

二

情只許白雲知十年佳况何須問都在南樓一卷詩

俞廷颺

字允恭號牛農

詩妙兼詞妙翩然宋子京幽居無俗客多病足吟情湖水

登樓白松風繞夢清一家騷雅盛雛鳳亦新聲

吳慶辰

字子相號芝香江陰人

圖南逐北機心擾卅載名場潦倒秋霜鬢髮知多少歸去

也蓬廬老 皂湖十里風月好吟眺處都成詩料最喜一

庭絃誦兒女皆同調

調寄迎春樂

王振綱 字則方號也薌

推袁名早識荆遲國有顏淵愧未知文字交從文社起乙

詩賦會始 瑤牋頌到雪花時

着手琳琅滿紙新幾回雒誦異香薰六朝庚鮑中唐白晷

竟仙才屬此君

凌臺虎將幼同門

綱與葛總戎雲飛俱於甲戌歲試受知汪宗師

我未題詩吊九

原大處輸君先落墨一編風雨泣忠魂

幾次攀蘿酌飲泉篆紋細認祖龍年

玉女峯上有蘿巖二篆文 歸來亦

南樓吟草

三

賦扶筇曲盼到銜峯句欲仙

集中游清隱菴詩有落日銜高峯句

舊縣曾經謁憤王西風笑我亦劉郎披君俗眼重瞳語

集

讀項羽本紀詩有可憐俗眼出重瞳句

千古英雄淚兩行

山中宰相福無窮醉月吟花字字工長慶新詞摩詰畫一

湖秀色入詩筒

子美文章琢句精樊川妙筆自天成一家續訂團欒集修

到梅花兩廣平

倪杰

號葉帆會稽人

南樓風景畫難成瀟灑琴書福分清但寫性靈歸俊逸別
舒懷抱仗聰明尚書紅杏吟華省宰相梅花賦廣平自是
瓣香堪濟美論詩原不論功名

清姿瘦骨喚癯仙只爲耽吟屢聳肩酒盞戲邀蒿嶺月詩
懷高詠皂湖煙牙籤積比曹倉富玉葉栽成寶樹鮮肯與
倪迂相款曲剡溪訪戴早開船

何其穗

字敏壬號秋怡秀水人

人孰謂然亦詩樂賦

賦才曾記廣平公心性當年水部同展卷便輸君一著白
南樓吟草

四

梅詩有舊家風

郢中騷雅舊傳名

宋玉

代著詩章有替人擬譜旗亭新樂府

曉風殘月唱陽春

南樓風景畫難成瀟灑琴書福分清但寫性靈歸俊逸別
舒懷抱仗聰明尚書紅杏吟華省宰相梅花賦廣平自是
瓣香堪濟美論詩原不論功名
清姿瘦骨喚癯仙只爲耽吟屢聳肩酒盞戲邀蒿嶺月詩
懷高詠皂湖煙牙籤積比曹倉富玉葉栽成寶樹鮮肯與
倪迂相款曲剡溪訪戴早開船
何其穗
字敏壬號秋怡秀水人
人孰謂然亦詩樂賦
賦才曾記廣平公心性當年水部同展卷便輸君一著白
南樓吟草
四
梅詩有舊家風
郢中騷雅舊傳名
宋玉代著詩章有替人擬譜旗亭新樂府
曉風殘月唱陽春

南樓吟草卷一

早春偶書

春風習習扇空亭
春柳依依眼欲青
酒熱茶香明月上
新

詩吟與白梅聽

尋仙姑洞晚憩途中

如此溪山好青鞋
晚倦尋漁歌秋水
岸人影夕陽林木
禿
村容瘦雲深雁背
沉茅菴在何處縹
緲梵鐘音

南樓吟草

卷一

西厓別業

侵晨冷氣逼山樓
纔過中秋又杪秋
衰柳幾枝霜影裡
西
風一夜落溪頭

天寒鳥鵲靜無譁
地僻何來客子車
烏柏離離都脫殼
門
前九月有梅花

六月廿七夜又舉一男

預卜多男兆燈花
結短檠正當三伏
夜偏報一陽生墮
地
全家喜臨盆阿母
驚

此子寤生

桑瓜今又挂添箇弄璋聲



自嘲

不是塵寰濟世才，閒身只合隱蒿萊。
程朱性道蠡窺海管，葛功名蛟學雷心亦嗜錢。
詩奪去子多累我，命招來皂湖煙水秋無際。
一葉扁舟任溯洄。

松風

獨宿蕭齋夜氣清，林端風起驀然驚。
鶖毳臙亂走龍蛇影，瀟瀟落空山月有聲。

堤上遣興

南樓吟草

卷一

二

著屐尋芳過柳川，長堤極目興悠然。
綠添萬井春回樹，白起重巖日夕煙。
犬吠客來花底徑，櫓搖舟蕩水中天。
此間風景無邊好，草色如氈欲醉眠。

賣花翁贈菊二種輒賦長句

賣花老翁年七十，花裡爲生似蝴蝶。
清晨報道籬菊開，特贈數枝色黃白。
我方秋闈戰敗歸，對此節物助淒戚。
何不今春贈牡丹，滿庭富貴多國色。
不然夏時贈芍藥，金帶圍生宰相出。
如何偏送此花來，翁不明言我亦識。
見我未折

月中枝欲我與菊同隱逸珍重花翁愛我意呼童種向東
籬側杯中有酒不暇賞閉門還理殘卷快丈夫有志登瀛
洲豈肯便效陶彭澤

贈籀菴上人

設法空門化大千壞衣膜拜禮金仙蓮花宮裡傳清梵貝
葉書中藝福田退院棋敲山月白尋梅袖惹嶺霞鮮九年
面壁功非易風雨蒲團靜坐禪

山居

南樓吟草

卷一

三

溪畔屋三間先生此養閑泉聲寒入室雲氣白沉山偶枕
殘書臥時看倦鳥還市塵飛不到蓬戶那須關

曉望

瞳矓紅日照牕纔閒傍牕櫺倚幾回松際雪消晴亦雨一
僧扶傘嶺頭來

邨莊初夏

蠶家剛歇掉車聲又聽農人叱犢耕只有鶯兒閒似我綠
楊陰裡坐吹笙

過雲峰館

偶過雲峰館秋花山路香主人留客住攜手話斜陽

金盞對月日如飛
兀坐小庭中明月當空起清輝照我心我心亦無滓
心月兩不疑相對俱歡喜借問世間人交友誰如此

空山樹著霜花徧西風急與山林戰
髮髯檐外走戎兵破戶視之葉滿庭
滿庭敗葉漫山飄
倏忽秋聲欲化潮嶺上

南樓吟草

卷一

四

蒼松高百尺也從天半助波濤

過山菴

松影綠穿巖竇梅風冷疊溪琴一箇
茅菴人靜數聲犬吠

雲林

宿南樓懷先大人

金爐香炭已成灰
月射書臺照夢哀
策策虛廊風弄竹
竹聲猶認履聲來

雪望

朔風吹雪下三更流水無聲鳥不鳴多少世間傾陷地霎
時填得一般平

題俞雲巢草堂

倚山傍水結茅廬玩有珍禽食有魚四壁詩箋留翰墨一
簾花影罩圖書池拖柳線牽波縵竹學棋聲解籜徐臥月
攀雲誰作伴客來多半是樵漁

夏夜散步

驟雨夜來晴堤邊緩步行林深藏鳥夢溪暗鬧蛙聲孤月

南樓吟草

卷一

五

清如洗遙山淡自橫沙汀芳草滿螢火望中明

闡中書感

此地曾經兩度遭光陰不返水滔滔景星夜靜輝逾潔時闡

中以景星如半月命題壯士秋清氣更豪斗室數椽紅燭短線天千

丈紫雲高杜陵詞賦三巴雪枚叔文章八月濤錦繡闡中

揮手過芙蓉峰上側頭搔已依棘樹投身入莫被槐花笑

客勞廿載難瞻親白髮予少孤三年終望子青袍男兒直欲

干霄上會見鷗鵬風雨朝

自武林歸

前渡雨初收風多滯客舟心隨歸路遠日被晚山留水底
天疑近江邊地欲浮篷窗微醉後猶夢六橋秋

見雪中垂釣者戲賦

乍夜風寒凜吹出滿江雪江畔人跡絕惟有釣翁立釣翁
玉爲笠兩足瑪瑙赤蓑添白羽翼儼如鶴一隻斯時舟上
客對之詩興勃視凍堅如鐵有詩亦擲筆安得摩詰出呼
取練三尺不須墨一滴寫盡江湖色

南樓吟草

卷一

六

舟發甬東

扁舟安穩卽爲家有伴何愁行路賒夜靜櫓枝搖客夢春
寒江氣壓梅花莎灘潮上漁燈亂柳岸風淒雁影斜霜月
滿天詩骨冷鄰船借火自烹茶

息夫人

細腰宮裡獨含顰玉雪嬌兒繡襖新振萬何須嗔冷尹未
亡人是息夫人

漂母

王孫當日有誰憐一飯之恩漂母傳不道淮陰城下婦知
人偏在漢高先
時苗
去官留犢忽然身千載廉名著壽春何事酒徒容不得朝
朝墻角射讐人

才奇自古福難全
今未必姓名傳

南樓吟草 卷一

今去讀杜少陵集

范陽兵氣暗乾坤白髮飄零何處存巴峽水流故主恨沅
湘浪泊老臣魂五陵裘馬思同輩一片丹誠答至尊聞道
浣花祠屋在誰攜杯酒酌東屯

夫言謁岳王墓
結髮從戎願効忠誰教猛虎縛梟東風波寬獄埋三字雪
窖遊魂痛兩宮國誤金牌資寇敵人留鐵像識姦雄赤山
子墓相隣近同事同官恨亦同

舟行

趁得雨初晴舟搖坐亦行水中山倒立松頂月孤擎

深隱菴晚遊

亂山堆裡獨扶筇天半松濤答晚鐘日下忽看雲驟上門

前添出數奇峰

石溪道中

小橋流水劃山開石壁松門綉翠苔回首層巒羅立處蘆

花如雪捲秋來

南樓吟草

卷一

八

旅夜

抱缺無成事飄零西復東夢隨鄉信杳詩寫別情工瘦骨

金風刺愁城火酒攻客窗誰過問寂寞一燈紅

送張公子歸里

張郎雛鳳姿翩翩振文藻夫何困天風垂翅同凡鳥游子

歸思多促衰將就道時當九月初商飈動林杪原野草蕭

蕭闕河塵浩浩行矣慎自愛舊業勤搜討培茲萬里羽毛

羽益豐好梧樹鬱高岡遲郎飛集早

紅葉飄蕭水國秋西風歸雁動鄉愁灘頭月白僧呼渡江
上峰青客倚樓落拓尚餘肝膽在疎狂不作稻梁謀茫茫
四海誰知已擬續靈均賦遠遊

梅花巖

勝景天然畫不成古梅傳得好巖名香飄幽壑隨風遠樹
插危崖帶月橫掃雪僧孤分影瘦眠雲鶴老共神清荒山
誰復尋陳迹我欲攜鎌斬棘荆

南樓吟草

卷一

九

不寐

一條襖被壓愁輕譙鼓蓼蓼打四更窗紙微明殘月上起
來檐下步雞聲

雪後見山桃戲賦

曉山雪霽日曛曠映雪桃花別樣工宛似妝樓紅粉女忍
寒悄立玉屏風

閨怨

浣紗見鴛鴦脈脈渾無語歸來掩繡幃滿面桃花雨

南樓題壁

蓬廬幽境畫難工地窄林深曲徑通空翠一庭花繞綠晴
霞半壁酒分紅雛鳩頻喚非關雨瘦竹才排不耐風到此
客應塵慮淨山光青逼草堂中

初夏

榆柳森森覆短墻鶯啼燕語欲端陽野田麥熟杵聲動山
枕睡酣詩夢長密葉陰深蟲課子疎花粉墜蝶尋香窗開
四面收晴色更引清風入座涼

南樓吟草

卷一

十

竹樓

四面翠屏環掀簾滿目斑此君何灑落爾室自幽閒痴坐
重陰裡狂歌萬綠間牕前遮未密容我看青山

秋宵

殘月也如鈎宵深入我樓霜侵鴛瓦冷雲寫蟹天秋菊影
穿籬角蟲聲到枕頭山妻還未睡問道有詩不

哭趙二秋巖

當年風雨話連牀風雨而今倍感傷半榻書堆無復整十

年詩債有誰償朋緣死後情加熱人到悲來句亦涼造物
忌才遽奪命可憐荒草蓋文章

睡起

綠樹森森戶牖遮高眠不管夕陽斜鶯聲啼斷游仙夢隨
意庭前數落花

八月十四夜賞月

家家賞月中秋節偏我開筵在節前蟾魄能留餘地步未
團圓處勝團圓

南樓吟草

卷一

十一

賀徐子振堂續登

陽和微逗小春天好賦催妝第二篇簾捲香風看月上清

光照爾又團圓

婚期十
五日

並對菱花美且都微嫌青鬢襯烏鬚

卽年卅餘
已有鬚鬚

佳人休顧

鬚鬚笑才子多髯有姓蘇

山行

山行突見石森然如異鬼其勢欲捕人角列相撐抵安得
祖龍鞭頓令山石起累累雲霞興立我青霄裡

南樓吟草

記從春到小園中，載酒曾經訪禿翁。
主人髮早落，人呼爲禿翁。今日問
奇何處覓落花和雨哭東風。

山中漫興

年來日日山齋坐，半世身從閒裡過。
幽徑無復足音喧，草堂祇有燕雀賀。
插簷老樹倒開花，花下山翁醉欲臥。
夢中蝴蝶有誰知，枕畔煙霞鶯啼破。
呼取香茗引詩腸，山中佳景詩中作。
音峰雜雲峰競鬪奇，濤鳴松濤遙相和。
鎖門楊南樓吟草

卷一

七

山人大音情

秋夜留客卽事

不速有佳客，良宵隨意留。
竹梢濃著露，松韻夜鳴秋。
攀桂香盈袖，推窗月滿樓。
笑予豪氣在，開匣看吳鉤。

自題觀潮圖

水作銀山浪，作堆宏聲如鼓。
又如雷，生平歷盡風波險，不
怕江潮潑地來。

落木

繁陰密葉漸成空
幾陣晨風與暮風
策杖寒山高極目
一僧閒掃夕陽中

自雪香書屋歸

寂寂寒溪路西風
作意侵斷梁
遲度馬逝水急歸心
村樹連山暗
漁燈射浪深
渾疑天色曙
淡月上疎林

殘菊

五夜霜凌百卉殘
黃花開瘦晚香乾
秋深蝴蝶飛何在
人

南樓吟草

卷一

三

倦簾櫳捲亦難修
竹西風三徑冷
疎籬斜月一枝單
憐君不似春葩落
垂老猶能耐歲寒

登臥龍山

臥龍山勢極崔嵬
攜屐登臨霧色開
一水亂流黃葉至
萬峰爭送夕陽來
風吹高鳥聯翩起
潮泣孤臣烏咽回

文種為越

潮神太息霸圖今已矣
鷓鴣啼上越王臺

禹陵

玉簡深藏積翠重
金甌永奠夏王封
四圍山岳環朝肅
萬

國衣冠舞拜恭芝石峙崖疑踞虎梅梁破壁化飛龍洪荒
開闢神功遠香火春祠歲歲供

天門山登眺和韻

孤巖幽邃絕塵囂振策登臨意興豪數點江峰遙似豆萬
年松子大於桃李來楚峽雲排陣水激秦淮雪湧濤到此
渾疑閩闔近問天詩句首頻搔

宿蕭然驛中

襤被夜三更牀前秋月明一聲何處笛吹動故園情

南樓吟草

卷一

十四

答友人書

白鶴啣素書飛來墮江千書中有錦字讀之再三嘆相思
不相見把臂何時歡朝望煙水坻暮望碧雲端牽我樵風
舟拂我華山冠君有秋菊英欲往同之餐風高道阻長中
路以盤桓

飲趙丙三家新釀

白酒勝金丹三杯雅量寬色還交共淡味豈士俱酸痛飲
忘天地沉酣吐肺肝遣愁萬斛去眉宇亦生歡

蜂

小小蜂窠傍竹扉
天晴時聽放衙飛
楊花昨夜東風緊
護得君王冒雪歸

湖上晚歸

荒汀鷗鷺得陪閒
小立霞光隱約間
新月曬荷千幅錦
奇雲插漢一天山
打魚船促昏鴉噪
荷草人牽瘦犢還
望裡龜峰西去路
炊煙羃歷起柴關

近况

南樓吟草

卷一

五

半生已過也
近况復如何
詩苦招窮鬼
茶清遣睡魔
秋心經雨冷
病骨受風多
羨彼朱翁子
負薪行且歌

感興

孤雁一聲秋已深
西風吹瘦小園林
塔前葉落無人掃
記否當時借綠陰

曉起煎茶

蒲牢一聲吼
毛骨忽蘇省
殘月落西窗
相對淒以冷
開門驚鳥夢
掃地剩桂影
陂澤水茫茫
河漢星耿耿
清吟口舌

乾復與殘醉併射呼怪小奚汲泉自烹茗

樵子

只憑樵斧作生涯日暮歸來噪亂鴉滿路香風吹不斷擔頭一半是山花

有憶

颯颯西風送早秋痴雲作意駐山頭如何一樣飛來雨灑上芭蕉便覺愁

秋杪途中懷周香山胡海六却寄

南樓吟草

卷一

六

草頭霜棘朔風驕秋老天荒氣寂寥紅樹半村鴉穀穀蒼葭十里馬蕭蕭卞和泣楚懷完璞蘇季歸秦敝黑貂寄語諸君莫惆悵書生幾箇上雲霄

寄徐祥雲代柬

勿敘寒暄且賦詩賦詩也惜久分離好花無奈愁中看知已何堪別後思嘉客東門君不愧郭子恒嘆謝公爲東門嘉客徐子居東門適似主人北道我偏宜漢鄧晨事余家北門外故及之文軒倘得重相顧滿

腹深情剖一時

螢

天色黯將夕，亂螢飛滿庭。出身原是草，照眼本非星。粘袂
疑燃火，攢囊幾識丁。陽烏幸未起，且作鬼燐青。

蟬

巧鼓翩翩翼，長聞嘒嘒鳴。爲驚閨婦懶，故作紡花聲。新雨
山村霽，殘陽野樹明。生涯風露裡，合與蚓俱清。

蠡城晚發

扁舟一葉晚，晚風清。雙槳齊搖，鑑水明。蘚石拖藍，晴不捲荷。

南樓吟草

卷一

十七

盤颺碧露頻，傾好山客裡。排檣過佳句，愁中仗酒成。地亦
爲人留，姓字迄今千載仰。蠡城

坐牀詞

越東風俗合，香後新郎新。婦並坐於牀，諸女伴皆
盛飾環坐，因作坐牀詞以補古竹枝所未及。

合歡人坐合歡牀，珠翠續紛列。兩傍好似芙蓉齊，出水護
他一對錦鴛鴦。

放煙火

無數奇觀火焰中亭臺花鳥訝騰空
太平世界烽煙靖化
作祥雲捧日紅

江上口占

濤頭白處海門開頭刻奔騰響若雷
借得一帆風力健浪
花堆裡鷁飛來

過莊廳邨

乍到惟見竹尋來忽一灣松聲寒白日
風力瘦秋山邨爲
貧多儉人緣病得閒
雁眉逢野老設茗話柴關

南樓吟草

卷一

六

雪夜集同社小飲分韻

折柬招鄰友張燈啟竹扉
詩情涵雪景酒力敵風威
臘鼓聲初壯梅花影忽肥
清宵須盡興不醉莫言歸

讀五代史

中原擾攘幾經年馬壯兵強便得天
五易朝廷八易姓相
公馮道費周旋

壯士三千射怒潮錦衣裘馬不勝驕
唐家鐵券拋何處坐
擁江東看改朝

父事臣稱不自羞契丹兵擅入中州赤岡轉盼驚呼起天
子降封負義侯

武功文德兩勞勞五載建成勳烈高若使假年蒙帝眷軍
中未許著黃袍

自越中歸

一路煙霞裡川流色似銀花迎歸棹客鶯喚倚闌人白塔
揚波險

白塔水名

青山吐月新

山在稽邑之東

水中寒較重夜坐不知

春

南樓吟草

卷一

九

白雲菴晚憩

茅菴松葉裡傍晚客車停泉響竹間冷山光花外青採芝
雲滿袖汲水月盈瓶老衲通玄妙閒談般若經

山中雜詩

別有桃源絕境開奇花靈藥倚雲栽青山界斷紅塵路未
許漁郎問渡來
閒坐山窗佇早曦羣峰高下列兒孫前溪昨夜添新雨流
水如雲白到門

前江

打漿出沙灣前江一往還霜濃橋印跡風大浪成山老樹
手標在寒禽飲啄閒回看白雲處茅屋有無間

山中卽事喜王二曉峰過訪

楓樹霜寒雁叫秋邨南邨北嬾雲浮浣衣少女持砧搗撲
栗童兒帶殼兜曉日半窗談舊事好山十里憶前遊主人
畱客無多具斗酒還堪與婦謀

採桑詞

兩樓吟草

卷一

二

鳴鳩拂羽戴勝啼蠶婦提筐過碧溪歌罷夕陽人靜悄陰
陰桑柘綠雲齊

兩家姊妹笑語諧采采柔桑水一涯貪聽黃鶯佇立久露
苔繡上鳳頭鞋

南樓吟草卷二

古虞宋璇齊雲

醉後放歌

浪入塵埃悔莽鹵愁將醒眼觸網罟悍然冰炭相聲牙翻
然面目變晴雨憶余撐支力不勝似似倪倪降城虜惟有
一醉解重圍醉向君前愁欲吐僕本不羈人偶托南山塢
蒿目塵間世曠懷入皇古筆底浩瀚捲波濤胸中百萬振
鼙鼓珠沉合浦夜生輝劒埋地獄寃將腐無食豈庸羨鸚

南樓吟草

卷二

一

鴛有才不敢賦鸚鵡飲君酒與君歌歌罷只宜掃足閉蘭
杜君不見黃河蓄地奔濁流飴衍礪浪豈能一石補萬劫

獨睡

月光如水冷書臺兩扇柴屏風自開夜靜不愁人寂寞滿
牀花影是妻梅

春日病中

冉冉韶光病裡過百般愁緒抱沉疴牀頭春酒消能幾簾
角東風冷轉多莎草夕陽空悵望梅花香夢任摩挲此情

說與山間鳥留贖清音且莫歌

端陽

龍舟競渡水雲鄉
艾虎荆人製亦良
裙妬榴花紅簇錦
躡開蒲酒綠浮香
鄰翁傍午春丹藥
稚子先辰佩綵囊
薄暮山光雲影外
霏霏梅雨亂斜陽

讀項羽本紀四首

拔山舉鼎起江東
王霸功成百戰中
麾下韓侯才莫識
可憐俗眼出重瞳

南樓吟草

卷二

二

漢中巴蜀古巖疆
兵度陳倉勢遂張
聚鐵六州難鑄錯
用三降將鎮咸陽

議割鴻溝識便低
偏安霸業楚東西
平分只道長雄踞
直到烏江悔噬臍

吳中雖小亦金甌
兵敗歸來好復讐
亭長艤船如共濟
江山何必盡歸劉

曉吟

雞唱月沉天
人家屋有煙
山窗雲意懶
只是伴儂眠

春遊

老大逢春興轉悠，韶光引我踏青遊。
醉看桃影扶紅袖，愁對楊花話白頭。
半郭煙嵐紛入寺，滿山燈火夜明樓。
行吟別有林泉趣，秉燭無容月自留。
感亡友車松厓

舟放楊溪

南樓吟草

卷二

三

雙櫓夕陽開，煙波任溯洄。
春山如愛客，笑近酒船來。

責管城子

邇來管城不順命，骯髒倔強與吾競。
眼前美景道不出，從無佳句剩語病。
嘗聞江子夢生花，如何於我獨生义。
我欲之東汝則西，紛披潦倒如亂麻。
管城聞言怒聲嚇，汝不自慚反我責。
我生不幸爲汝役，汝實賴我分黑白。
勸君以後勿嗷嗷，速請刈去胸中茅。
但得君心空若水，會見斑管奏簡韶。

蚤起

長宵眠不著起步小庭空往事飄殘葉閒愁付好風山雞啼月白野犬吠燈紅鼾睡隣家子昏昏猶夢中

贈貧士鄭漁隱

文字五千卷撐腸不救貧錢空囊著鬼衣敝犬騎人乞米還書帖燒牀且當薪破窰呂蒙正或恐是前身

偶書

豪氣薄公卿胸懷富甲兵未甘拋筆墨何苦戀功名世界

南樓吟草

卷二

四

花花看文章草草成農人春告我料理隴頭耕

山館與諸友夜飲有懷胡海六遠客燕都

知己來何暮山齋坐月明晚風欵鳥翼夜漏咽雞聲開酒賓筵亂酬詩友債清黃金臺畔客何限故鄉情

遊鳳鳴山

迤邐城東去尋幽到鳳鳴洞雲飛練白瀑布濺珠明石壁苔紋古仙壇松蔭清機心吾久絕鸞鳥不須驚

登蘿巖絕頂

蘿巖突兀鎮虞東絕巘凌虛勢最崇萬壑松聲晴吼雨四
山雲氣曉隨風仰觀直欲探丹極舒嘯還疑應碧空一自
青田題額後至今清隱署琳宮

浙江亭

蒼莽鄉亭上西風試一憑江流分越界水色皺吳綾雲壓
山疑斷沙空岸欲崩忽驚星倒出前渡幾漁燈

董叔子明府招同人客館賞花分咏

紅梅

南樓吟草

卷二

五

三友圖中容清標本絕塵卻嫌霜雪冷故奪杏桃春骨傲
難諧俗容嬌不媚人休令凡卉混枝葉認來真

杏花

已讓梅開早還看柳色勻江樓三日雨野店一枝春影媚
烏紗客花驕白髮人風光董林好擬合宋家隣

咏史

居正宋大臣輔相十八年身歿家不保有位當矜憐何乃
張安撫見利流貪涎穢聲達九重遂坐是左遷於國則失

體於已則傷廉不忍鬻絲野我思范仲淹

紀星

皇帝十八載七月初吉濛汜日纒黃異星西北揭隱隱
殘霞間狀類尋與亭乍見光猶微俄看亘天赤黃髮罕見
聞其占詎可必叨逢
唐虞世
君相賢且哲遇災修救加天意庶潛格

中秋無月

南樓吟草

卷二

六

銜杯坐待月華妍底事姮娥不上天盈滿怕招人世忌卻
從雲裡暗團圓

風拔檐前桂樹

樹高七尋

小結層樓叢樹邊樓中人傍綠陰眠大風拔去庭間桂半
夜推開戶外天蜂蝶有情尋徑畔龍蛇無影到堦前扶蘇
卻羨蟾宮裡一任吳剛砍復連

送劉蕙圃明府之粵州任

衰草淒迷映客袍送君此去獨勞勞離亭殘柳鴉棲晚遠

道西風雁影高百里豈堪羈驥足一官竟欲屈牛刀天南
莫漫悲匏繫牢落青衫有我曹

剛值花面登場令人氣填胸腑請君忍耐三分看到譙樓
五鼓

一庭山氣雜煙霏獨坐煙中看翠微寒月不知天欲曉清
輝猶是戀人衣

南樓吟草

卷二

七

自壽

債還兒女累成叢座少賓朋嬾束躬對鏡自憐雙鬢白銜
杯人笑兩顴紅年當及艾心偏壯眼尚無花物豈蒙竹裡
寒梅如我瘦香風吹滿一家中

邱壑平章一野翁移蕉牘有補天功茶鐺時煮春巖雪詩
卷頻翻曉岫風怕起爭端居局外欲尋睡法在書中流年
忽忽吟邊過文愧無多也算窮

贈胡鼎占

趙北燕南路頻年說壯猷
缺彈燈有淚劒看月知愁
舉世誰青眼還鄉未白頭
草堂秋夜雨猶自夢封侯

冬日作

風打疎櫺雪打門
人間何處不消魂
阿儂耐得天工冷
笑嚼寒梅和酒吞

皂李湖弔杜君良興

唐貞觀初良興昆季家於湖中杜墩一夕風雨大作田宅俱沉爲湖鄉人享湖之利立廟祀焉

南樓吟草

卷二

八

剛逢天色霽結伴泛湖中
長老指予告愀然悲故宮
至今墩尚在憑眺夕陽空
况又前宵雨那能不泣公

爲憶滄桑變只因風雨頻
此身不足惜我澤已如春
自有湖山勝重看祠宇新
祠舊在象山因歲久崩圮一徙於旗山之側一徙於湖塘之下
一朝

羅慘劫千載享明禋

陸門水勢

陸門卽皂湖西關

陸門決水勢無涯不絕滔滔眼望賒
莫使分流運河去恐添波浪與人家

姜嶽雪樵

尋詩偶向姜山步雪積巖阿渾沒路但聽樵聲不見樵
翁應在雲深處

飲梅花下

彤雲漸散斜照明北風蕭蕭吹晚晴消寒剩有瓶中酒舉
卮獨酌苦無偶瞥見西溪一樹梅十枝九枝撩亂開呼僮
攜酒到溪邊拂拭蒼苔重設筵須臾月上滿身影仰視梅
花真欲仙仙姿綽約誰堪侶把酒屬花花不語昔有孤山

南樓吟草

卷二

九

林和靖花開愛玩橫斜影又聞何遜在揚州官閣天寒吟
未休一自名流仙去久春光歲歲長孤負我今來勸酒一
卮花兮花兮爾其受夜深花下頽然息夢裡微聞泣幽咽
登南山
著屐南山散步步到山頭已暮忽看山脚雲鋪急欲下山
無路

曉起口占

幽棲地僻少將迎恰稱稽康嬾慢情一枕睡酣誰喚起滿

山紅日讀書聲

夏杪友人雅集南樓分韻

好友如雲集開軒晚納涼月邀朋醉酒花引蝶尋香聽竹
憑虛檻吟詩繞曲廊還期重九日來賭菊花觴

夾竹桃

翠葉襯丹葩參差色倍加如何君子竹偏傍女兒花湘浦
流紅淚淇泉罩錦霞休嫌儂命薄清節擬同誇

苧蘿山懷古

南樓吟草

卷二

十

芳草萋萋綠漸勻苧蘿山色又逢春越中多少英雄將霸
業千秋仗美人

張良

項劉爭戰幾春秋借箸何人爲國籌破產報韓違夙志受
書佐漢展奇謀興王不忌神仙侶傑士偏如婦女流太息
未央烹走狗功成悔不學留侯

破曉登蘭芎山福仙寺

蘭峰縹緲臨江渚崎徑盤紆杖策登出頂松枝招日上破

樓鐘響徹雲層門無俗客守孤鶴榻繞閒霞伴老僧倘得
葛仙從此遇騎將素鹿共飛昇

薄暮來談古佛禪蓮宮深鎖翠微煙松雲漏月清光淡荷
露烹茶綠乳鮮空谷泉聲常入梵滿塘江氣欲無天多情
更有山林鳥好共高僧掃葉眠

垂暮

垂暮閒身與懶宜何堪默坐憶當時十年逐北馬將敝萬

南樓吟草

卷二

十一

里圖南蛸競啜春酒難醫愁肺腑秋霜易上老頭皮先生
嘉號心慚愧貢士虛銜顏忸怩欲索解詩無老嫗與賡同
調有羣兒山僮告我秋光晚曳杖看雲出短籬

自君之出矣

自君之出矣眉鎖未曾開我心卽如石石亦望夫回
自君之出矣妾心長脈脈愁緒似春蠶輾轉千萬折春蠶
有眠時妾身眠未得

明越中少年

越女天下白越酒天下絕二美故難兼當爐解消渴湖上
遊冶郎三五競舟楫梅市沽香醪蘿村聘艾妾醉擁嬋娟
日日春曲堤深院鬪紅塵君看兩斧伐孤樹越中誰是長
年人

山齋病起喜劉子文澄過訪
寂寞空山叟吟邊度歲年愁來如困酒病起若登仙種竹
招丹鳳栽蕉漏綠天忽聽聲剝啄驚破鶴雞眠

題梅

南樓吟草

卷二

三

珊珊仙骨隔凡塵冰雪堆中一樹春松竹之間宜此客羲
皇以上有其人

鄰人贈牡丹

一枝穠豔染春霞芍藥芙蓉莫漫誇感謝東鄰情太厚肯
分富貴與農家

讀文文山先生集感而賦此

浩然正氣貫紅曦天步艱難志不移誓挽狂瀾撐砥柱要
將落日返崦嵫波濤遼海流遺恨風雨匡山痛失師身作

楚囚幽漠北久拚一死復何辭
舜江曉發坐澗琴琴音如澗
鶻噪天初曉沿江颺客舫波聲流斷夢魚脊動殘星風影
含蘋綠雲根觸石青新詩吟不得恐惱臥龍聽
小園遊趙氏園林
偷得浮生半日閒名園芳景好追攀迎人垂柳舒青眼拍
水輕鷗戲碧灣竹裡棋聲敲日落山間禽影帶雲還年年
春到林端早花木參差不一般

南樓吟草

卷二

十一

潘陡歌

四圍青山成幽谷百竈團團蔭喬木辛一老祖荒其疆秀
者務讀愿者牧渠流遶帶通皂湖湖山倒涵光的綠每當
小滿芒種時桑柘滿園啼布穀男子綠野移秧馬豔陽汗
發常赤足女子空廊鳴繅車匹練挂牆如琚玉好將杯酒
話桑麻無復空廂悲杼柚燈火羣兒課讀書書聲朗朗出
茅屋中有逸叟坐橫琴琴音嘹唳散青竹持我詩滿村讀
桃源圖如在目君不聞天陰雨濕有鳥徹旦鳴還願各家

勤匍匐

自書

歲月竟蹉跎中年忽忽過親朋人漸換兒女債猶拖家務
時尋我文章日負他牀頭孤劍在難斬是愁魔

贈車二梅隱

弱歲凌嶒氣未平山河擬仗筆尖爭白頭猶是狂奴態談
到恩讐劍欲鳴

除夕述懷

南樓吟草

卷二

古

落日心猶壯凌煙業已虛胸中多少恨不與歲同除

遊清隱菴

清隱久知名偷閒曳枯筇松花落滿山黃霧迷入蹤山迴
徑忽轉一塢雲氣濃峭石峙兩厓中有水淙淙緣厓詰曲
上細路蘭若通迴廊映修竹古殿藏深松軒窗納虛景林
壑生涼風時當晚課齊膜拜肅且恭亦有暇依願俯仰慚
塵容下山已薄暮落日銜高峰回頭一以眺暝靄圍重重
招提不知處但聞縹緲鐘

山居

半榻春風日影斜，閒居歲月最清華。
虛堂客去僮調鶴，深竹煙浮自煮茶。
碧水白翻楊柳絮，青山紅繡杜鵑花。
溪雲長護茅簷靜，勝彼珠簾翠幙遮。
辛丑東避難諸友無恙，不輟斷翰，白雲獻于報半。

客行將至西吳遭亂歸

南樓吟草

卷二

五

喪亂斯文賤，關山行路難。
鼓鼙喧耳熱，烽火照心寒。
投足皆危地，行舟恰險灘。
匆匆歸故里，猶喜竹平安。

過觀瀾堂

偶攜雙屐訪蒹葭，雞犬無聲鳥不譁。
滿塢白雲樵子路，半溪疎柳釣翁家。
雨驚詩夢來蕉葉，風送書聲出藕花。
坐久渾忘身去住，主人擎到一甌茶。

野望

顯氣滿山隈，鼙聲隱隱雷。
黑風扶水立，赤日破雲來。
兩岸

楓成錦千林相似梅極天衰草外征雁數行回

絕句

蟲聲唧唧草根繁瓦鼎香消火尚存風露天寒客初睡斷
鐘隨月到柴門

訪棲霞山人

獨處無聊賴清溪放小船水涵梅影瘦風度磬聲圓一徑
忽新柳四山方暮煙相逢忘主客對榻共談禪

登蘿巖誌感

南樓吟草

卷二

六

到眼皆詩景行吟幽興催山攔歸鳥住僧帶斷霞來落日
樵蘇返秋風鼓角哀東南正多事愧乏濟時才

定海總戎葛雲飛殉節詩

定海城陷西北角八千人頭如雨落將軍見敵不見身裹
創力戰死溝壑至今海水帶血流羈膺聚哭聲啾啾我爲
將軍泉下喜百世忠名成於此報國愧無破敵能成仁端
許殺身士沙塲生死分榮辱不信但看古青竹

爲家烈婦黎孺人賦

黎孺人族吉二公配也公抱惡疾家貧不能自給
孺人晨紡夜績樵採自力而公賴以養焉閱數年
公卒孺人年方二十殮公畢卽整衣自經於棺側
遠近觀者皆嘆息流涕邑侯周銓表其門曰有烈
士風璇聞而感焉爲賦是詩

幾尺黃絲血染丹青年貞操捋如蘭苦心欲共雙魂剖完
節非徒一死難玉碎崑岡雲氣慘珠沉滄海月波寒宋家
賢婦黎家女留取芳型後代看

南樓吟草

卷二

七

老

此生嗟已老况復病相加汲水頭驚雪挑燈眼助花骨寒
秋港鷺影瘦夕陽鴉自顧桑榆晚休將矍鑠誇

湖泛

湖上人家少天晴偶出遊雲移山欲動秋到葉知愁小艇
飛波面斜陽挂樹頭紅塵吾久厭只合伴沙鷗

夜聞落葉

不管幽人寐蕭蕭徹夜驚膏騰醒復睡帶夢聽秋聲

哭次女

年逾五十髮都華，嬌女平陽擬左家。只道吾衰見哭父，風狂先墮木蘭花。

五男三女總情牽，每日承歡在眼前。汝更生成賢且慧，爭教衰淚不漣漣。

苛癢倩他頻抑搔，更兼操作不辭勞。白梅庭院霜華重，猶自篝燈弄剪刀。

十年勤苦織流黃，今日都成舉目傷。賸粉殘脂零落盡，檢南樓吟草

卷二

六

箱還疊嫁衣裳

每倚雕欄日幾回，愛他紅紫鬥妝開。繡裘從此無行跡，一任庭花委碧苔。

聰明豈逐彩雲空，仙骨珊珊況不同。應共觀香諸姊妹，受書住在紫清宮。

題漁隱圖

淡淡寒雲過碧灣，濛濛細雨失前山。漁翁善避風波險，不待潮來打槩還。

偶書

燈花牕內紅雪花牕外白清虛映人心焚香讀周易

甬東道上作

近議通夷好干戈幸暫平草肥滋戰血骨暴痛殘兵海樹
荒煙暮沙場落日明嗚嗚聽不得城堞尚笳聲

湖中獨山用玉珍韻

端然欲挽狂瀾住突起湖心自立山直任風濤撞石壁倒
懸星斗繞松關採樵叟入煙波隱放鶴人從月鏡還笑我
拄筇徒悵望無舟那許便躋攀

南樓吟草

卷二

九

南樓自書

皂湖東畔屋三間坐嘯登臨嬾掩關雲散亂流天上水鏡
開橫插座中山愛題詩句蕉先植苦沒湘簾竹未刪自愧
無當塵世事一生容得占清閒

外舅齊雲夫子高才拔俗雅志搜奇凡乙癸辛鼎石
鼓竹書羽陵蠹簡龍威隱函靈飛玉葉之寶文般若
金繩之秘笈靡不一覽無遺九變復貫故能爛翻舌
底花粲筆端窮翰墨之清娛追騷逸之真趣况復久
蠲世味自愛吾廬巖翠環屋湖光逼門几落奇青室
生虛白飛泉墮琴筑之響茂林停曦月之輝烟波無
際澡雪其精神雲壑相鮮娛悅其耳目於是擁書雄
百城栽竹敵千戶廢畦鋤邵平瓜荒徑種陶潛菊結

南樓吟草

跋

一

蘭契而買芳隣掩松關而迴俗駕往往脫畧公卿跌
宕文史揮毫以繪物態磨韻以適已情又或閒邀村
叟笑掖溪童撥雲以踵樵步沿月而聽漁歌著謝公
之屐山水方滋戴浩然之巾烟霞獨浪幽懷雪亮逸
興風疎流詠而猿鳥無猜抗吟則竹石堪裂若乃臚
唱到門稻香延客小冠之侶日接其兩三隻鷄之局
月得其八九相與拍肩挹袂送抱推襟拂松花之席
浮竹葉之杯飛寸碧之牋刻半紅之燭夏鷓鴣之韻

寫泉石之歡斯又締勝緣以風雅而傳佳話於澗阿
者矣頃讀南樓吟草二卷悉皆咀含鄉味展寫天機
造語幽腴奏懷寬遠攬明月而入抱褰青霞以表姿
足令藝苑鑄金學林燒硯源材本樗櫟學又榛蕪快
聆白雪之詞竊動高山之慕佳姻謬托選有愧乎乘
龍俚句漫題幸不勝於附驥云爾道光戊申余月望
後三日壻陸源拜跋

南樓吟草

跋

二

南樓詩餘 星天互轉香風 莫出寶巒 山雲一臥

青鳳御山

古虞宋璇齊雲

憶江南

春遊 金餘借春裝 休嫌不合笑 芙蓉餘半也

春色好行見杏桃紅 風起野花爭蝶舞 香粘衣袂任蜂從

折柳畫橋東

秋夜

秋夜靜池館漏初長 食坐月光先熄燭 為熏花氣罷燒香

南樓詩餘

魂怯水雲涼

點絳脣

洪時畫十一月廿五日自壽

自壽三句五男膝下牽衣繞 高堂萱草被朔風吹老 萬

事俱拋且把金樽倒 春非小梅花含笑 笑壽翁年少

醉太平

宿鳳鳴山

古虞宋璇齊雲

月光鏡清星光豆 明香煙裊出窗楹 雜山雲一層 青鸞

夜鳴蕭郎猛醒者邊瀑布頻驚做風聲雨聲

一痕沙

雙峰草堂看花

山曲茅廬寂靜彷彿桃源佳境漸入小雲樓愈深幽
屋後山亭一座栽得奇葩萬朶世事也如花且看他

如夢令

春歸

窗外數聲啼鳥喚起遊人正早試問看花人卻說芳春歸

南樓詩餘

了休惱休惱留剩綠陰都好

憶江南

映湖泛

湖光媚遊客放湖船雙槳劃開波底月半篙點動鏡中天
帆影臥晴煙

又

湖光媚結伴到蓮塘雲漏月痕呈曙色水調荷氣學秋香
風引笛聲長

蘇東一痕沙對雨淋淋血氣衰
東湖瀟瀟題自奕圖申滌滌來平
流水古松幽絕石上丁丁自奕形影兩相交擬同敲早萬
事惟憑一我局內何分二我相對費疑猜子爲誰
虞美人

愁

夜長更滴芭蕉雨沒地推愁去胸中萬事熱爐煎誰把愁
根和悶種心田 愁思如縷多頭緒欲訴渾無語來朝併
南樓詩餘

三

力破愁城呼取松醪百盃作精兵
外具壺中天
展亡友陳耐菴春陰圖賦此弔哭

濕雲零亂覆層檐深護藥爐丹竈望裡柳枝低入戶此處
記儂曾到飛閣流霞危樓聳翠握手同登眺紅深綠暗一
聲何處啼鳥
取豚蹄并斗酒一串紙錢來弔渭北春殘江東日暮賦擬
招魂香風篩桃雨抵儂血淚多少

臨江仙

舟泛蓮塘

記得泛舟西畔路楊枝低護闌干紅窗影寫燭花妍一痕
沙月白失卻玉池蓮碧玉樹來頻勸酒輕盈如狎飛仙
移將冰簟坐風前吹開裙百蝶宛轉藕花邊

憶王孫

秋日書

蟲聲如雨暗添愁葉落梧桐滿地秋寂寞蕭齋簾捲鈎怕
南樓詩餘

四

凝眸風送蘆花雪滿樓

清平樂

詠雪

彤雲泱泱白雪隨風颺暗灑荒園枯木上一夜梅花齊放
瓊樓向曉簾開紛紛鱗甲飛來四面玉山羅列依然仙

境蓬萊

南鄉子

賀且園續卷

莫更嘆蕭條咫尺天台路不遙可似劉郎前度樣今宵洞
口雙吹碧玉簫 簾幙蠟紅燒玉女仙郎對影嬌被擁紅
雲春幾度來朝依舊娥眉月樣描

金縷曲

題徐振堂塲圃桑麻圖

瞥目驚奇絕者莊園分明認得是儂草宅一阪桑麻低接
戶幾樹煙霞繞室並雞黍壺觴陳席不信先生真借住借
雲牋圖繪手神活便一見舊相識 誰家蠶婦提筐出悄

南樓詩餘

五

行來柔枝低護露零衫濕遙望青青城郭外多少峰巒羅
立何時雨屐并煙笠乘興尋遊同到此白雲裡遠拄看山
笏仙侶在願同結

莫更嘆蕭條咫尺天台路不遙可似劉郎前度樣今宵洞
口雙吹碧玉簫 簾幙蠟紅燒玉女仙郎對影嬌被擁紅
雲春幾度來朝依舊娥眉月樣描



